

Հայաստանի Հանրապետության Արագածոտնի մարզի

խորհրդի նիստի

ք. Աշտարակ

25. 07. 2024թ. ժամը 15⁰⁰

Մասնակցում էին՝

Ս. Մովսիսյան	ՀՀ Արագածոտնի մարզպետ
Հ. Գույան	ՀՀ Արագածոտնի մարզպետի տեղակալ
Հ. Գևորգյան	ՀՀ Արագածոտնի մարզպետի աշխատակազմի գլխավոր քարտուղար
Ա. Գրիգորյան	ՀՀ Արագածոտնի մարզպետի խորհրդական
Վ. Հարությունյան	ՀՀ Արագածոտնի մարզպետի խորհրդական
Մ. Դադոնյան	ՀՀ Արագածոտնի մարզպետի օգնական
Ա. Մարկոսյան	ՀՀ Արագածոտնի մարզպետի օգնական

Մարզպետի աշխատակազմի ստորաբաժանումների ղեկավարներ

Մարզի համայնքների ղեկավարներ

Ուժային կառույցի ներկայացուցիչներ

Լրատվամիջոցների ներկայացուցիչներ:

4

Օրակարգում՝

1. Մարզի համայնքների 2024թ. 1-ին կիսամյակի սեփական եկամուտների հավաքագրման աշխատանքների վերաբերյալ:
2. 2025-2027թթ. միջնաժամկետ ծախսային ծրագրերի կազմման, հաստատման գործընթացների վերաբերյալ:
3. Համայնքների ենթակառուցվածքների զարգացմանն ուղղված սուբվենցիոն ծրագրերով իրականացվող աշխատանքների վերաբերյալ:
4. Պետական և այլ կազմակերպությունների միջոցով իրականացվող շինարարական աշխատանքների ընթացքի ուսումնասիրությունների վերաբերյալ:
5. «Հայաստանի Հանրապետության համայնքներին գույք նվիրաբերելու մասին» N 1163-Ա որոշմամբ սահմանված աշխատանքների վերաբերյալ:
6. Մարզի համայնքներում 2023թ. ամենամյա չօգտագործված արձակուրդների վերաբերյալ:
7. Տեղական ինքնակառավարման մարմինների և համայնքային ծառայողների 2024թ. վերապատրաստման դասընթացների կազմակերպման վերաբերյալ:
8. Մարզում իրականացվող դպրոցաշինական ծրագրերի մասին:
9. Այլ հարցեր:

Լսեցին՝

1. Մարզի համայնքների 2024թ. 1-ին կիսամյակի սեփական եկամուտների հավաքագրման աշխատանքների վերաբերյալ /զեկուցող՝ ֆինանսական վարչության պետ Ն. Գալստյան/: */Ցուցանիշները կցվում են/:*

Ն. Գալստյանը տեղեկացրեց, որ սեփական եկամուտների հավաքագրումը 2024 թվականի առաջին կիսամյակում իրականացվել է 43,8%-ով՝ Աշտարակ՝ 44,6%, Շամիրամ՝ 196,9%, Ապարան՝ 40,4%, Ալազյազ՝ 53,3%, Մեծածոր՝ 23,0%, Արևուտ՝ 42,2%, Թալին՝ 46,4%, Ծաղկահովիտ՝ 26,0%:

Մարզպետ Սերգեյ Մովսիսյանը հանձնարարեց ՏԿ և ՏԻՀ վարչության պետ Հ. Ասատրյանին համայնքների ղեկավարների աջակցությամբ շարունակական աշխատանքներ տանել, իսկ հավաքագրումը շարունակել նույն մեխանիզմով՝ ապահովելով հավաքագրման պլանավորված ցուցանիշները:

2. 2025-2027թթ. միջնաժամկետ ծախսային ծրագրերի կազմման, հաստատման գործընթացների վերաբերյալ /զեկուցող՝ ֆինանսական վարչության պետ Ն. Գալստյան/:

Ներկայացվեց համայնքների միջնաժամկետ ծախսային ծրագրերի կազմման, հաստատման գործընթացների վերաբերյալ տեղեկատվություն: Նշվեց, որ վերջնաժամկետ է սահմանվել օգոստոսի 9-ը: Ծրագրերի փաթեթները ներկայացվել են մարզպետի աշխատակազմ: Վերջնական շտկումներից հետո կներկայացվեն ՀՀ կառավարություն սահմանված ժամկետում:

3. Համայնքների ենթակառուցվածքների զարգացմանն ուղղված սուբվենցիոն ծրագրերով իրականացվող աշխատանքների վերաբերյալ /զեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Սրեփանյան/: */Զեկույցը կցվում է/:*

Զեկուցվեց, որ 2022 թվականին հաստատված Արագածոտնի մարզի 8 համայնքների տնտեսական և սոցիալական ենթակառուցվածքների զարգացմանն ուղղված ընդհանուր 4 017 898 801 ՀՀ դրամ նախնական արժեքով 19 սուբվենցիոն ծրագրերից այս պահին ավարտվել են 17 ծրագրեր, որոնցից Թալին համայնքի Արագածավան և Արտենի բնակավայրերի միջդաշտային ոռոգման համակարգի հիմնանորոգման աշխատանքների մասով ընթանում է ավարտական փաստաթղթերի կազմման գործընթացը: Ընթացքի մեջ են գտնվում Աշտարակ համայնքի Աշտարակ քաղաքի թիվ 4 «Հասմիկ մանկապարտեզ» ՀՈԱԿ-ի շենքի հիմնանորոգման և բակային տարածքների բարեկարգման աշխատանքները: Կատարվել է ընդհանուր աշխատանքների շուրջ 70%-ը: Ընթացքի մեջ են նաև Ապարան համայնքի Արագած և Շենավան բնակավայրերում նոր մանկապարտեզների կառուցման ծրագրերը: 2022 թվականի թվով 18 սուբվենցիոն ծրագրերի համար պետական բյուջեի միջոցներով ֆինանսավորմանը չափը կազմում է 1 797 919 880 դրամ:

2023թ. ՀՀ Արագածոտնի մարզում կառավարության կողմից իրականացվող համայնքների տնտեսական և սոցիալական ենթակառուցվածքների զարգացմանն ուղղված սուբվենցիոն ծրագրերի շրջանակներում հայտերի գնահատման միջգերատեսչական հանձնաժողովի քննարկմանն է ներկայացվել 23 սուբվենցիոն ծրագրերի ամբողջական փաթեթներ: Միջգերատեսչական հանձնաժողովի կողմից հավանության է արժանացել 21 ծրագիր: Վերջնական հաստատվել է 20 ծրագիր՝ 5 409 062 779 ՀՀ դրամ արժեքով:

2024 թվականի ՀՀ Արագածոտնի մարզի համայնքների ենթակառուցվածքների զարգացմանն ուղղված սուբվենցիայի ծրագրերից հաստատվել է մարզի 6 համայնքներից ներկայացված 33 սուբվենցիոն ծրագրային հայտ՝ 12 208 736 420 ՀՀ դրամ ընդհանուր նախնական արժեքով /Աշտարակ – 16 ծրագիր, Թալին- 6 ծրագիր, Ապարան- 4 ծրագիր, Ծաղկահովիտ- 2 ծրագիր, Ալազյազ-4 ծրագիր, Արևուտ – 1 ծրագիր/:

Սուբվենցիայի հայտերի գնահատման միջգերատեսչական հանձնաժողովի քննարկմանը ներկայացնելու համար ՀՀ տարածքային կառավարման և ենթակառուցվածքների նախարարություն ներկայացվել է մարզի 6 համայնքների կողմից ներկայացված 23 սուբվենցիայի ամբողջական փաթեթ: Ներկայացված փաթեթներից միջգերատեսչական հանձնաժողովի կողմից հաստատվել են 11 ծրագիր ընդհանուր 8 815 873 410 դրամ արժեքով: Հաստատված ծրագրերից 5-ում աշխատանքները սկսվել են, իսկ 6-ը մրցութային փուլ են:

Մարզպետ Ս. Մովսիսյանը հանձնարարեց քաղաքաշինության, հողաշինության և ենթակառուցվածքների կառավարման վարչության պետ Հ. Ստեփանյանին հետևողական լինել այդ ուղղությամբ տարվող աշխատանքների նկատմամբ, աշխատանքներում հայտնաբերված թերությունների, դանդաղ տեմպի կամ նկատված խնդիրների մասին գրությամբ տեղեկացնել տվյալ ծրագրի պատվիրատու հանդիսացող մարմիններին:

Հանձնարարվեց նաև քննարկման և ուսումնասիրության արդյունքում անհրաժեշտ հիմնավորումներով դիմել ՀՀ առողջապահության նախարարություն Աշտարակի բժշկական կենտրոնի մահճակալների թվաքանակի համալրման վերաբերյալ՝ քաղաքաշինական նորմերին համապատասխան եզրակացության առկայության դեպքում:

4. Պեղական և այլ կազմակերպությունների միջոցով իրականացվող շինարարական աշխատանքների ընթացքի ուսումնասիրությունների վերաբերյալ /զեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Ստեփանյան/:

/Զեկույցը կցվում է/:

Զեկուցվեց, որ ի կատարումն ՀՀ ՏԿԵ նախարարի հանձնարարականի ՀՀ Արագածոտնի մարզպետի աշխատակազմի մասնագետները պարբերաբար այցելում և տեղում ծանոթանում են մարզի տարածքում պետական և այլ կազմակերպությունների միջոցով իրականացվող շինարարական աշխատանքների ընթացքին: Ուսումնասիրության արդյունքները ներկայացվել են նախարարություն:

Մարզի երեք բժշկական կենտրոններից Թալինի և Աշտարակի բժշկական կենտրոններում շինաշխատանքներն ընթանում են նորմալ և թերություններ չեն հայտնաբերվել, միայն Աշտարակի հիվանդանոցի հին շենքի քանդման հետ կապված պետք է որոշում կայացվի, իսկ Ծաղկահովիտի Բ/Կ-ում, ինչպես նախորդ այցելությունների, այնպես էլ վերջին այցելության ժամանակ, արձանագրվել է, որ շինաշխատանքները ընթանում են շատ դանդաղ, և նախորդ այցերի ժամանակակից հայտնաբերված թերությունները չեն վերացվել:

Ալազյազում կառուցվող 144 տեղանոց մոդուլային մանկապարտեզի աշխատանքները ևս ընթանում են դանդաղ, իսկ Ալազյազի համայնքային կենտրոնի շինաշխատանքների ավարտը՝ ըստ կապալառուի, կլինի նախատեսվածից շուտ:

Նշվեց, որ ճանապարհների հիմնանորոգման աշխատանքներ են ընթանում Ապարան համայնքի Լուսազյուղ բնակավայրում, Երնջատափ - Շողակն, Հյուսիս - Հարավ ճանապարհի Մ1 Երևան-Գյումրի-Բավրա, Ներքին Բազմաբերդ-Կաքավաձոր, Թաթուլ-Կանչ-Հակո ճանապարհահատվածներում, Մարգարա-Վանաձոր-Տաշիր-Վրաստանի սահմանի միջպետական նշանակության ավտոճանապարհահատվածում:

Վերանորոգվում և հիմնանորոգվում են Ուշիի բնակավայրի մանկապարտեզի շենքը, Աշտարակ քաղաքի թիվ 5 ավագ դպրոցը, Աշտարակ համայնքի Սասունիկ բնակավայրի դպրոցը, Թալին համայնքի Արագածավանի թիվ 1 միջնակարգ դպրոցը, Լուսակն և Գառնահովիտ բնակավայրերի դպրոցները: Տեղեկատվություն ներկայացվեց նաև Փարաի համայնքի 5-րդ դարի Ծիրանավոր եկեղեցու շինարարական աշխատանքների ընթացքի մասին:

Մարզպետը ևս մեկ անգամ կարևորեց աշխատանքների վերահսկման գործընթացը և հանձնարարեց վեր հանել աշխատանքների հապաղման, թերի կատարման պատճառները, լուծման ուղիներ գտնել:

5. «Հայաստանի Հանրապետության համայնքներին գույք նվիրաբերելու մասին» N 1163-Ա որոշմամբ սահմանված աշխատանքների վերաբերյալ /զեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Սյրեփանյան /:
/Զեկույցը կցվում է/:

Զեկույցվեց, որ ՀՀ պետական բյուջեից մարզպետարաններին հատկացված միջոցներով կառուցված՝ ՀՀ կառավարության 17.10.2013թ. N 1163-Ա որոշմամբ սահմանված գույքը նվիրաբերության պայմանագրերի միջոցով պետք է նվիրաբերվեր մարզի համայնքներին, սակայն մինչ օրս միայն Ապարան համայնքի Լուսազյուղ և Սարալանջ բնակավայրերի գազատարերի կառուցման աշխատանքների մասով են կնքվել պայմանագրեր, որոնք պետք է թարմացվեն: Որոշմամբ սահմանված ցանկից մնացած գույքերի մասով համայնքների կողմից գույքային իրավունքների պետական գրանցում չեն կատարվել, և հետևաբար նվիրաբերության պայմանագրեր չեն կնքվել:

Մարզպետը առաջարկեց համայնքի ղեկավարներին կարևորել խնդիրը և սեղմ ժամկետում ավարտին հասցնել ՀՀ կառավարության 17.10.2013թ. «Հայաստանի Հանրապետության համայնքներին գույք նվիրաբերելու մասին» N 1163-Ա որոշմամբ սահմանված աշխատանքները և տեղեկատվություն ներկայացնել ՀՀ Արագածոտնի մարզպետի աշխատակազմ:

6. Մարզի համայնքներում 2023թ. ամենամյա չօգտագործված արձակուրդների վերաբերյալ /զեկուցող՝ ՏԿ և ՏԻՀ վարչության պետ Հ. Ասատրյան/:

/Զեկույցը կցվում է/:

Հ. Ասատրյանը զեկույցեց, որ յուրաքանչյուր տարի, ՏԿԵ նախարարի հանձնարարականի համաձայն, մարզպետի աշխատակազմի կողմից ձեռնարկվում են անհրաժեշտ միջոցներ համայնքապետարանների աշխատակազմերի և համայնքային ենթակայության կազմակերպությունների աշխատակիցների նախորդ տարիների չօգտագործված ամենամյա արձակուրդները տրամադրելու ուղղությամբ: Նշվեց, որ 2024 թվականի հունվարի 1-ի դրությամբ ՀՀ Արագածոտնի մարզի համայնքներում ամենամյա չօգտագործված արձակուրդների ընդհանուր գումարը կազմել էր 12,172,612 մլն. ՀՀ դրամ: Մարզպետի աշխատակազմի և համայնքների ղեկավարների կատարած աշխատանքների արդյունքում չօգտագործված արձակուրդային 12,172,612 մլն. ՀՀ դրամից հուլիսի 1-ի դրությամբ մարվել է 11,736 մլն. ՀՀ դրամ: Աշխատանքներն ամբողջությամբ ավարտել են բոլոր համայնքներում, բացառությամբ՝ Ապարան համայնքի: Ապարան համայնքում այս ուղղությամբ ևս մեծ աշխատանքներ է կատարվել: Մնացել է ընդամենը մեկ աշխատակցի չօգտագործված արձակուրդային գումար, որի չափը կազմում է 436 հազար ՀՀ դրամ:

7. Տեղական ինքնակառավարման մարմինների և համայնքային ծառայողների 2024թ. վերապատրաստման դասընթացների կազմակերպման վերաբերյալ /զեկուցող՝ ՏԿ և ՏԻՀ վարչության պետ Հ. Ասատրյան/:

/Զեկույցը կցվում է/:

Զեկույցվեց, որ «Համայնքային ծառայության մասին» ՀՀ օրենքի համաձայն՝ համայնքային ծառայողները յուրաքանչյուր երեք տարին մեկ ենթակա են պարտադիր վերապատրաստման: Այս տարի մարզում նախատեսված է կազմակերպել և անցկացնել 1 խումբ 20 համայնքային ծառայողների և 1 խումբ 25 տեղական ինքնակառավարման մարմինների վերապատրաստման դասընթացներ: Վերապատրաստումն իրականացնում է օրենքով սահմանված կարգով ընտրված կազմակերպությունը, իսկ վերապատրաստման ծրագրերը հաստատում է ՀՀ կառավարության լիազորած պետական կառավարման մարմինը: Վերապատրաստման

դասընթացներն արդեն մեկնարկել են: Համայնքային ծառայողների վերապատրաստման դասընթացները մեկնարկել են հուլիսի 22-ից և ավարտվելու են օգոստոսի 1-ին: Տեղական ինքնակառավարման մարմինների վերապատրաստման դասընթացները մեկնարկել են հուլիսի 24-ին և ավարտվելու են հուլիսի 26-ին: Համայնքային ծառայողների վերապատրաստման դասընթացներն անցկացվում են Թալին համայնքում, իսկ տեղական ինքնակառավարման մարմինների դասընթացները՝ Ծաղկահովիտ համայնքում:

8. Մարզում իրականացվող դպրոցաշինական ծրագրերի մասին /գեկուցող՝ մարզպետի խորհրդական Ա. Գրիգորյան/ :
/Ձեկույցը կցվում է/:

Ա.Գրիգորյանը տեղեկատվություն ներկայացրեց ՀՀ Կառավարության «2021-2026 թվականներին կառուցվող, վերակառուցվող, հիմնանորոգվող 300 դպրոց 500 մանկապարտեզ ծրագրի» շրջանակում իրականացվող աշխատանքների մասին: Արագածոտնի մարզում կառուցվում է 24 դպրոց, ևս 1 դպրոց կառուցվում է բարեգործական ծրագրով: 1-ի կառուցումն ավարտվել է, 12-ը գտնվում են կառուցման փուլում, 7 դպրոցում մրցույթը կայցել է, կան հաղթողներ, 7-ից 2-ում՝ Վարդգես Պետրոսյանի անվան հիմնական և Ռյա-Թազայի դպրոցներում, ըստ շինարարների, առաջիկա 2 շաբաթների ընթացքում շինարարությունները կմեկնարկեն: Եվս 5 դպրոց գտնվում է մրցութային փուլում:

Նշվեց, որ Արագածոտնի մարզպետի աշխատակազմի կողմից դպրոցներում իրականացվում են աշխատանքներ կարիքների գնահատման, հավաքագրման նպատակով: Հավաքագրվել և արդեն իսկ 40 դպրոցների համար նախանշված աշխատանքների անհրաժեշտ փաստաթղթերն են ձեռք բերվել, որոնց ամբողջական փաթեթները կուղարկվի ԿԳՄՍ նախարարության հաստատմանը՝ աշխատանքներն սկսելու նպատակով:

ԿԳՄՍ նախարարության ԾԻԳ-ի և Արագածոտնի մարզպետի աշխատակազմի համագործակցությամբ Արագածոտնի մարզի 63 դպրոցներում կհիմնվեն բնագիտական առարկաների լաբորատորիաներ՝ նոր գույքով և լաբորատոր նյութերով հագեցած, ևս 4 դպրոցում լաբորատորիաներ արդեն հիմնվել են «Իմ քայլը» հիմնադրամի կողմից: Այսպիսով, 67 դպրոցներից 18-ում հիմնվել են լաբորատորիաներ, իսկ 49 դպրոցներում աշխատանքներ են տարվում լաբորատորիայի համար նախատեսված սենյակների ընթացիկ նորոգման համար համապատասխան փաստաթղթերի ձեռքբերման ուղղությամբ: Առաջիկայում մարզպետի աշխատակազմը կհավաքագրի ամբողջական փաստաթղթերը և կներկայացնի ԿԳՄՍ նախարարության հաստատմանը, որից հետո լաբորատորիաների նորոգման աշխատանքները կմեկնարկեն:

Մարզպետի տեղակալ Հ. Գուլյանի կողմից ներկայացվեց տեղեկատվություն քաղաքաշինության բնագավառում լիցենզավորված տնտեսվարող սուբյեկտներին օրենսդրական փոփոխությունների մասին իրազեկելու վերաբերյալ:

Այլ հայտարարություններ և հարցեր չեղան: Ամփոփելով մարզի խորհրդի նիստը՝ մարզպետ Ա. Մովսիսյանը շնորհակալություն հայտնեց ներկաներին համատեղ աշխատանքի համար:

ՀՀ Արագածոտնի մարզպետ՝



Սերգեյ Մովսիսյան